

**Kiŋwakti kitali ki
Jøn
Gia yə yi kə i Kiŋwakti ki Jøn
kitali kələ mə**

Jøn wə wi nĩ bəəŋki gwu yi a fwu wi kijun̄ni ki bəni bə bumni, wi nĩ nyaka kiŋwakti kitali kələ i mi widəkə wi num fwu i kijun̄ni ki bəni bə bumni wə yeli wi nĩ kə num Gayus. Wi nyaka saiŋ Gayus i ŋgamti wə wi nyaki i bəni bə bumni. Wi təfi tə Gayus a wi təkniiki bəh mi widəkə wə bə bəəŋki a Diətəfəs kəm wi nĩ nəiŋ i wəkəli ja yi ŋgaiŋ.

Kifwu ki gia kə ki kə i Kiŋwakti kələ mə

1-4 Kin'yisi

5-8 Jøn saiŋ Gayus

9-10 Jøn təyi kimfə ki Diətəfəs

11-12 Jøn saiŋ kimfə ki Demitiyus

13-15 Kiŋgəksi

¹ Akə mih tikwili wi fwu wi kijun̄ni ki bəni bə bumni. Mih nyakaki kiŋwakti kələ i wə Gayus nseiŋ wun̄ wi shəm. Mih kəŋki lə wə i ŋkəŋ wə.

Jøn saiŋ Gayus

² Nseiŋ wun̄ wi shəm, mih tsaki a gia yichi tsəki bindzəŋ i kimbu ka wə, wə nūmki bəh gwu yiləkəli asi mih kiəkə a wə ləkəkə lə i mfiəŋə wə.

³ Mih nĩ wəkə ndzəŋni na bəh ŋga jəbi wə bwa bə nih bəbukumbəiŋ bədəkə nĩ dzə buku fa fuku si wə num i gia yi ŋkəŋ wə bəh shəm ya yichi. Ayaka yi num ŋkəŋ a wə biəliki lə ŋkəŋ.

⁴ Gia yidəkə kəkə yə yi kə i fə mih i wəkəki ndzəŋni tsə yələ a bwa bəŋ biəliki lə ŋkəŋ.

⁵ Nseŋ wuŋ wi shəm, nəm wə wə nəmki i bwa bə nih bəbukumbəiŋ wə, kighə na i bəni bə tumi, yaka wə nəmki lə bindzəŋ.

⁶ Bə nŋ kə bə fuku i kijunŋni ki bəni bə bumni fa kəm kiŋkəŋ ka. Wə mōmsi ayaka i gāmtiki bəmaka bəni i dzəh yə Nyə nəŋki i nyani wibə wə.

⁷ Kiə a bə buku biŋ num kəm yeli wi Klistus, bə tseŋ kə ŋgamti widəkə i bəni bə bə kəkə bə Nyə.

⁸ Ayakadəiŋ, bukumbəiŋ kaŋaki i təbiki bəmaka bəni ka bukumbəiŋ bəh bə numki bəni bə bə nəmki i fiəŋ fimu wə kəm ŋkəŋ.

Kəm Diətəfəs bəh Demitiyus

⁹ Mih nŋ nyaka gia yidəkə i kijunŋni ki bəni bə bumni kimbəiŋ wə, ayakalə Diətəfəs wə wi si kəŋ i jiə gwu a ninshiŋ, nŋ ka wəkəli dəkə i mi wə mih kə wi.

¹⁰ Ayakadəiŋ, mih ka ni dzə, mih ni jiə gia yə wi fəki i kuku, si wi nyaniki bəh kinyəni, dzaka já yichu kəm mih. Si wi fəki yakadəiŋ, wi keiŋki ki fwuli kə bəh yəmaka. Wi nəiŋ tə i dzəkə bwa bə nih bəbukumbəiŋ, nəiŋ tə a kiə bəni bə bə kəŋki i dzəkə bə ma dzəkə. Bə ka nəŋki i dzə, wi kəŋŋ bəni bə bə nəŋki i dzəkə bə i kijunŋni ki bəni bə bumni kintəŋŋ.

¹¹ Nseŋ wuŋ wi shəm, kiə wə ki sŋni kə gia yichu. Sŋni num yindzəŋni. Mi wə wi fəki gia yə yi ndzəŋki kə mi wi Nyə, wə wi fəki gia yichu kə wə wi ka kiə dəkə lə Nyə.

¹² Demitiyus kə mfih mi wə bəni bəchi dzakaki gia yindzəŋni kəm wi, nəni ki kindzəŋni dzaka tə

kəm wi. Buku tə dzaka kəm wi. Ayaka wə kiəki lə a
gia yə buku dzakaki kəm wi kə ŋkəŋ.

Kimbəni

¹³ Mih keiŋki mih kaŋa gia yiduli i nyaka i wə
ayakalə, mih kəŋ kə i nyaka num bəh kiŋgaali ki
kiŋwakti.

¹⁴ Mih yeiŋki a, i jəbi wi juli wə mih ni dzə yeiŋ lə
wə, ma buku wə dzaka daŋsi shi bəh shi.

¹⁵ Kimbəiŋni nŭm i wə. Nséiŋ yibuku wə bəniki
i wə. Bəni nnya nséiŋ yibuku wə yichi i mih wimu
wimu i bə wə.

**Kinwakti ki Nyɔ Minƙaiŋ Mifian
Chungmboko: Kinwakti ki Nyɔ Minƙaiŋ Mifian (New
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093